

هو الله

تفلیس

بواسطه آقا میرزا حسین ابن اسم الله و جناب حاجی علی محمد احمداف
جناب آقا علی شماخی جناب آقا مجتبیای شماخی جناب آقا علی حسن شماخی جناب آقا غلام شماخی جناب کربلائى
صفدر شماخی جناب آقا صفدر شماخی جناب کربلائى علی شماخی جناب آقا علی اصغر اخوی آقا کاظم شماخی جناب
آقا مختار اخوی آقا علی اشرف شماخی جناب علی یوسف شماخی علیهم بهاء الله الأبهى

هو الله

ای جان گبی سودیگم یارانم بنم دوست حقیقی حاجی علی محمد سلیل جناب احمد بر نامه یازمشدر و نامنزی ذکر ایتمشدر
نامه ده مذکور اولان مبارک ناملرن استماعیله برابر فرح وجدان و مسرت جان و روح و ریحان حاصل اولدی بو نه مبارک اسملر
ایدی که روح و جسمی نشئه یاب شوق و اشتیاق و گونلمی باده محبت ایله سرمست میکده اشراق ایلدی باقن بو نه احساندر
نه عنایتدر نه لطف و موهبتدر که بز جسماً داغلمش اطرافه دنیایه یایلمش بر جمع پریشان ایکن روحاً محفل الفتده طویلانمش و
احساسات وجدانیته مستغرق اولمش و جلوه حقیقته مظهر بیورلمش و مؤانست روحانیته و معاشرت وجدانیته موفق اولمشدر ربم
سزن گبی حیران جمال احدیت و پریشان طره پر پیچ و تاب دلبر رحمانیت و مشتاق طلعت نورانیت اولان ذوات
روحانیت سماتی هر بر موهبته و هدایت موفق و مؤید ایلیه آمین یا رب العالمین ع ع